



24. august 2018

UKA 2018/56

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaat allanngorteqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut, maannakkut periuseq imatut allanngortillugu, partiit Inatsisartuni sinniisuutitaqartut tunngaviusumik 850.000 koruuninik tapiissummik pisalersillugit kiisalu kingullermik Inatsisartunut qinersinerup inernera tunngavigalugu taasinermit ataatsimut 200 koruuninik pisalersillugit. Attaviitsut taasinermit ataatsimut 200 koruuninik ukiumut tapiissutisialisersinneqassapput agguaqatigiisitsineq 1/31 atorlugu kiisalu taasinerit tamarmiusut tunngavigalugit. Allannguineq atulersinneqassaaq ulloq 1. januaari 2019 aallarnerfigalugu.

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Naalakkersuinikkukt sulinermit aningaasatigut tapiissuteqartarnermit malittarisassat maannakkut atuuttut ersarissupilussuupput. Partiit Inatsisartuni sinniisuutitaqartut tamarmik tunngaviusumik tapiissutisisarput 850.000 koruuninik kiisalu ilaasortaataq ataaseq 275.000 koruuninik tapiissutisissutigineqartarpoq. Taamaasilluni tapiissutit imatut agguataagaapput:

Siunut: 3.600.000

IA: 3.050.000

Demokraatit: 2.500.000

Partii Naleraq: 1.675.000

Atassut: 1.400.000

Suleqatigiisitsisut: 1.125.000

Nunatta Qitornai: 1.125.000

Tassa imaappoq Landskarsi ukiut aningaasartuutigisarpai 14.475.000 koruunit. Demokraatini aningaasartuutit taakku sipaarfigerusuppagut peqataanillu qularnaarlugu agguaasseriaaseq naapertuunnerusoq.

Ullumikkut ajoraluartumik aningaasatigut iluaqutissarsivigineqartarpoq partiimi ilaasortaareersut partiimut allamut nuuttarnerat. Pissutaavoq partiit Inatsisartuni ilaasortaatitaminnut ataasiakkaanik tapiissutisisarnerat.

Demokraatini kissaatigaarput partiinut tunngaviusumik tapiissutip aalajangiusimaarnarnissaa



ilaasortalli ataasiakkaat tapiissutisiaqaataarsarnerat peerusupparput taarsiullugulu kingullermik inatsisartunut qinersinermi taasinerit pissarsiarisimasat ataasiakkaat tapiissutisiaqaataasalernissaat kissaatigaarput. Taamaasiornikkut partiimiik partimut nuuttartut aningaasatigut iluanaarutaassaassagaluarpud. Isumaqarpugut tamanna pitsaasuusooq.

Takorloorparput periuseq imatut ilusilerneqarsinnaasoq:

Partiit Inatsisartuni ilaasortaaitaqarput tungaviusumik tapiissutisiasartagartik 850.000 koruuni pigiinnassavaat. Tamatuma saniatigut partiit ataasiakkaat kingullermik Inatsisartunut qinersinermi taasitit tamakkiisut tungavigalugit taasinnermut ataatsimut 200 koruuninik taperneqartalissappud. Taamaasippallu tapiissutit imatut agguarneqartalissagaluarpud:

Siumut (taasinerit 7.957-t): 2.440.800 kroner
IA (taasinerit 7.478-t): 2.345.000 kroner
Demokraterne (taasinerit 5.712-t): 1.992.400 kroner
Partii Naleraq (taasinerit 3.931-t): 1.636.200 kroner
Atassut (taasinerit 1.730 -t): 1.196.000 kroner
Suleqatigiissitsisut (taasinerit 1.193-t): 1.088.600 kroner
Nunatta Qitornai (taasinerit 1.002-t): 1.050.400 kroner

Ataatsimut Landskarsi aningaasartuuteqartinneqassaaq 11.749.400 koruuninik.

Demokraatini isumaqarpugut periuseq naapertuutissasoq aamma isumaqarpugut pitsaassasoq Landskarsi ukiumut 2.725.600 koruuninik sipaaruteqartinneqarsinnaasuuppat.

Inatsisartuni ilaasortap attaviitsuunissani toqqassagaluarpagu qinigaaffiup ingerlanerani, taava ilaasortaq taanna attaviitsunngoruni taasinnermut ataatsimut 200 koruuninik ukiumut tapiissutisialisassaaq agguaqatigiisitsineq 1/31 atorlugu kiisalu taasinerit tamarmiusut tungavigalugit. Tigussaasumik oqaatigalugu qinigaaffimmi pineqartumi pineqartoq imatut tapiissutisiaqassaaq:

189.000 kroner (Taasinerit 29.294 /31x200 kroner)

Naalackersuisut partiillu allat saqqummiussassaat qilanaarlunga utaqqissavakka.

Aningaasarsiornikkut allaffissornikkullu pisortanut kingunissai.

Siunnersuutip atortussanngortinneqarnissaanut pisariaqassaaq Naalackersuinikkut sulinnermut aningaasatigut tapiissuteqartarneq pillugu Inatsisartut inatsisaannut allannguutissamik siunnersuusiornissaaq. Allaffissornikkut nukiit suliamut immikkoortinneqartussat, ilanngutereerlugit nutserinissaaq, tusarniaanissaaq aamma inatsisip oqaasertaasa misissornissaat annertussuseqassaaq inuup ataatsip qaammatit pingasut ataallugit sulineranik.



Maannamut naleqqiullugu Naalackersuinikkut sulinermit aningaasatigut tapiissuteqartarnerup allamgortinneqarnera Namminersorlutik Oqartussat ukiumut 2.725.600 koruuninik sipaarutigissavaat.

Aningaasarsiornikkut allaffissornikkullu namminersorlutik inuutissarsiutunut kingunissai.
Soqanngilaq.

Aningaasatigut allaffissornikkullu inuttaasunut kingunissai.
Soqanngilaq.